

SinarHarian

SinarHarian

sinarharian

Sinar Harian Official

sinarharianonline

Sinar Harian Official

>> EDISI >> JAS kenal pasti individu terlibat pencemaran Sungai Sengkang

JAS kenal pasti individu terlibat pencemaran Sungai Sengkang

| | 06 Julai 2021





Dr Famey Yusoff melihat anggotanya meletakkan "Oil Absorbent Pad" bagi menyerap sisa-sisa minyak daripada tumpahan bahan kimia yang masih melekat atas permukaan air di parit berdekatan stor penyimpanan bahan kimia itu di Kampung Baru, Sengkang pada Selasa. - Foto Bernama

A⁻ A⁺

KULAI - Jabatan Alam Sekitar Negeri Johor (JASNJ) sedang mengenal pasti individu atau pihak terlibat dengan pembuangan bahan kimia yang dikatakan menjadi punca pencemaran Sungai Sengkang di sini baru-baru ini.

Pengarah JASNJ, Dr Mohd Famey Yusoff berkata, beberapa individu telah dirakam percakapan mereka sejak Isnin bagi membantu siasatan mengenai pencemaran itu di bawah Akta Kualiti Alam Sekeliling 1974 (Akta 127).

[Find Out More](#)



"Kita sudah panggil beberapa individu sejak semalam untuk membantu siasatan. Jadi pada tahap ini, saya tidak boleh memaklumkan lebih lanjut," katanya kepada pemberita di sekitar lokasi kejadian pada Selasa.

Sebelum itu, pasukan JASNJ telah memeriksa sebuah premis di Jalan Besar, Kampung Baru, Sengkang yang dipercayai menjadi stor penyimpanan kepada 116 tong IBC (kontena pukal pertengahan) berisi pelbagai campuran bahan kimia yang ditemukan pada Isnin.

Mengulas lanjut, Mohd Famey berkata pemeriksaan itu dijalankan kerana lokasinya yang dekat dengan kawasan di mana pencemaran berlaku di sungai tersebut.

Beliau berkata, pemeriksaan JASNJ turut mendapati premis itu beroperasi secara haram kerana tapak premis berstatus tanah pertanian.

“Tapak ini kita sudah kenal pasti sebagai lot tanah pertanian, jadi kalau kita tengok (tindakan pelaku ini) memang salah, dari segi penggunaan tanah itu pun sudah salah.

“Jadi secara tidak langsung, tapak ini adalah tapak haram dan stor penyimpanan bahan buangan kimia secara haram,” katanya tanpa menjelaskan sama ada terdapat kaitan antara premis itu dengan pencemaran di sungai tersebut.

Menyentuh kerja pembersihan di sungai itu dan parit yang terjejas, Mohd Famey berkata, ia hampir selesai 100 peratus dan pihaknya masih menunggu laporan analisis mengenai beberapa sampel bahan kimia yang dihantar ke Jabatan Kimia untuk siasatan lanjut.

Beliau berkata pencemaran itu juga tidak mengganggu Loji Rawatan Air (LRA) Sultan Ismail yang merupakan LRA paling hampir kerana terletak lebih 20 kilometer.

Tinjauan mendapati keadaan air sungai di sekitar lokasi kejadian bertambah baik manakala kerja pembersihan parit masih berjalan dan hanya beberapa kakitangan JASNJ dibenarkan masuk ke premis terbabit untuk menjalankan siasatan.

Ahad lalu, dua wanita dilaporkan dikejarkan ke hospital selepas mengalami gejala muntah dipercayai terhidu bahan kimia dari sebuah tangki di stor penyimpanan yang mengalir ke sungai berdekatan rumah mereka di Jalan Besar, Kampung Baru, Sengkang. - Bernama

Paling Terkini: Sabah tuan rumah sambutan Hari Malaysia ✕

pencemaran Sungai Sengkang JAS

Artikel ini ialah © 2018 Hakcipta Terpelihara Kumpulan Karang kraf. Sebarang salinan tanpa kebenaran akan dikenakan tindakan undang-undang

Artikel Berkaitan